

四庫全書

集部

欽定四庫全書

宋元詩會卷八十三

兵部主事陳焯編

吳萊

字立夫浦陽人集賢大學士直方子也天資絕人  
七歲能屬文讀書目涉成誦嘗往族父家日易漢  
書一帙以去族父迫扣之萊口誦一字不遺延祐  
七年以春秋舉上禮部不第退居深衷山中益窮  
諸書與旨著尚書標說春秋世變圖傳授譜古職  
方錄樂府類編一百卷唐律刪要三十卷文集六  
十卷萊於黃柳行輩稍後而二公稱許一則曰絕  
世之才一則曰非今世之士其推服如此用御史

薦調長壽書院山長未上而卒年僅  
四十有四君子惜之私諡淵穎先生

山中人 二首

白日出復沒胡獨勞我生所務在卒歲朝夕彊營營當  
春治農器土脉亦殫盈薄言藝黍稷庶以觀其成涼風  
一披拂場圃如坻京凍戶猶畝首康衢或歌聲於茲尚  
不給野有菜色氓毋寧拾橡栗起視牀頭瓶

貧賤素所有豈辭辛與勤清晨腰我斧往伐西山薪高  
巖屹巨壑蛇虎氣逼人衣裳既不完出入在荆榛日日

一接浙斧甌恒生塵白石幾時爛青烟空滿林家徒四  
立壁冬令方行春亦有倥傯子翛然為世珍

和陶淵明詠貧士

三首

上天無停曜日月會降婁山林少過轍二鳥鳴相酬亦  
有五采鳳飛來為岐周姬公世不作白屋多懷憂逢時  
倘一用華士非吾儔函谷空遂客傳巖乃旁求

人生自沈靜豈得意非干宜哉揚執戟三世不徙官窮  
冬無完褐盡日止一餐美片終不獻晨曝尚餘寒手種

老松樹蒼然霜雪顏政爾有佳思清風吾掩關

舉世尚馳騫飄然風中蓬上書爭銜鬻言語自稱工誰  
歎持清節乃見楚兩龔黃塵隨手拂白日與心同有榮  
方覺辱無屈豈求通誓追遼海鶴插翅以相從

皂角林觀劉錡戰處

東都何慘澹南土劇蕭騷往往隳戰鬪於焉出英髦為  
君竟如寄立國已不高家供敵人賂歲奉使客艘乾坤  
忽掀簸城郭皆動搖狡兔手可撷長蛇心更饕精熒金

鎖甲翕艷橘紅袍厲矛終挾腕投鞭遽填壕云何大兵  
壓尚謂和議牢白波橫天險清野捲地毛將營皂林斫  
軍艦采石鏖大星遽崩殞滄海爭遁逃向非斯人在久  
矣淒烟蒿龍虎空野競狐狸遂寒嗥信史猶未著奇功  
果誰褒因之懷舊跡一弔楚江皋

大食瓶

西南有大石國自波斯傳茲人最解寶厥土善陶埏素  
瓶一二尺金碧燦相鮮晶瑩龍宮獻錯落鬼斧鐫栗紋

起點綴花穠蟠蜿蜒定州讓巧薄印邑關清堅脫指滑  
欲墜凝瞳冷將穿逝哉賈舶力真致鮫鰐淵常嗟古器  
物頗為世所捐襟衫易冠袞盤盂改豆籩禮圖日以變  
戎索豈其然在時苟適用重譯悉來前寰區幸混一四  
海際幅員縣度縛繩紲娑夷航草船鑿空發使節隨谷  
混民編漢土堆積筭蕃羅塞鞍韉城池信不隔服食奈  
渠遷輪囷即上據鼎金疇能肩挿葩奪豔冶盛酪添馨  
羶當筵特見異博識無庸詮歲之或論價裹此猶吾羶

珊瑚尚可擊磧路徒飛烟彼既歸五市我且置梧園角  
端獨不出記取征西年

時儼

古人重儼疫時俗事禳穰歲陽欲改律輿鬼寢耀鉅厲  
神乃恣肆魑蜮併猖狂僮幸成列巫覡陳禁方虎頭  
眩金目玄製寧赤裳桃弧毆菑沴豆礫斃瘴剛百靈咸  
震懼六合高褰張清炳信不容動靜維吾常世塗頗險  
韞人魅更跳梁狐鼠戴分幘夔魑竊香囊煎熬到膏髓



擊剥成疣瘍東風作國蠹抵隙為民殃自從九鼎沒誰  
使百怪藏瘡寒服褫帛饑窶食閒糧蘆花蔽汝體椽粟  
饒吾腸地膚竟捲去天孽俱凋傷神荼欲呀啖蝨木蔓  
不長蒙俱彊顏貌枯竹無耿光聖言謂近戲五祀徒驚  
惶惜哉六典廢述此時儺章

觀隋王度古鏡記後題

王家有古鏡軒氏昔鑄成太乙來護治玄冥與儲精日  
月鍾璀璨龜蛇助威寧萬靈吐真水全體洞太清綵奩

出未半冰片弄光晶寶匣收不動玉麟聞響聲有身尚  
變化無翼欲飛行恍然百世後流落汾陰城高士觀即  
賞異僧識還驚金船拭膏澤經碧穿屋楹牆垣照可撤  
臟腑燭能熒涕泣念鸚鵡悲酸逢豹生一朝忽屏迹六  
幕黯不明狐狸遞隱現魑魅莽縱橫皮膚峻剖削骨髓  
窮敲榜雷風儻有作厲虐敢紛更嗟吾幸居山猿鹿與  
我爭嗟吾願渡海蛟鰐恐並迎楊氏雀環在張公龍劍  
并因茲訪洞穴得不振冠纓

樓彥珍北遊京師予病不及往餞歲晚有懷并寄

彥昭浚常

日晚北風起少年方遠遊徘徊上谷塞眺望黃河流  
嶺十月冰朔色壓九州熒煌大明殿御道接龍樓時  
巡向灤水臘雪擁薊丘前驅鸞鳳旗後來貂鼠裘尚  
食豐宴飫教坊樂笙篳百官散城邑駝馬盡歸休自  
今帝王都想爾觀覽周却疑書傳間不謂秦漢優何  
家非許史無容不枚鄒投輪即雨集揮袂遽雲浮東  
航扶桑陰西

竿崑崙陬變化指顧異芻蕘立談收文物彼洛契土音  
吾越謳私將竊祿志勇赴隨陽謀隨陽即澤雁竊祿豈  
梁鷺美玉獻劍璣精金鏤希韞出門亟裝束行路肯滯  
留布韋謾老耄鄉里惟田疇功名幸一遇螻螳尚公侯  
學問敢彊飾黍稷待耒耨當令竹帛上直與先達侔毋  
使螢爚光肅然寸草秋嗟予久抱疾餞酒弗及芻念爾  
忽萬里征夢或見求宣生頗俊逸鄭子復綢繆趾高有  
捷步曾正無昏眸早看拜家慶共許動宸旒傳車定不

礙關鑰便若抽杏花開如錦楊柳滿陌頭去時小兒女  
來詫真驂騑

病起讀列子真經 三首

世間豈有極海外猶齊州日月更出沒江河却同流  
夸娥追即死章亥步曷周螻蚋生不久鯤鵬背吾遊  
神瀆湧滋穴巨鼇戴蓬丘想象或可到徘徊獨懷憂  
南方祝髮裸北國鞬巾裘逍遙特爾分智者善為謀

神巫善相人壺子如濕灰扁鵲巧發藥季良病弗治一

形苟脫落純氣固委蛇隨火出石壁泳珠沒淫隈彼或  
蜩翼得此猶漚鳥疑中心既怵殆外物盡坑谿幹殼即  
木葉皮膚類嬰孩逮矣列姑射吾為榮啟期

此日忽過隙居人恒鮮歡毫毛悉為我體節欲求完大  
盜竊名爵小康捨豆簞熊魚徒兩得利義肯兼安馬醫  
自不辱燕枝毋容干時勢苟未至事功良獨難蒲條白  
麻復慘澹青蘚冠長嘯答鳴鶴北風江水寒

夕泛海東尋梅岑山觀音大士洞遂登盤陀石處

及東霍山回過翁浦問徐偃王舊城

三首

起尋千步沙穹石塞行路怒濤所縱擊徒以頑險故卓  
哉梅子真與世良不遇上書空雪衣燒藥迴烟樹玄螭  
時側行縞鶴一迴顧從之招羨門滄海晝多霧

茫茫瀛海間海外此孤絕飛泉亂垂纓險峒森削鐵天  
香固遙聞梵相俄一瞥魚龍互圍繞仙鬼驚變滅舟航  
來旅遊鐘磬聚禪悅笑撚小白花秋湖落如雪

遙觀杳無極宛與東霍隣悲夫童男女去作魚鼈民紵

興尚餘聚蓬山寧爾神古櫂苔駐跡仙枰竹祛塵短褐  
徒為拂飛槎邈難親好攜支機石去躍織女津

早秋偶然作寄宋景濂

四首

我病三月久問言此何時山林日搖落草木欲變衰忽  
來臨青鏡何故摘白髭千里復萬里遠哉鴻雁期  
西風吹梧桐一葉兩葉積故書翻有塵雄劍挂在壁時  
違甘窮困事到即輝赫除却雙鹿行門前少人跡

悠悠秋夜長夢覺秋月霽有才寧及人無學敢求蛻揮



來河水絃削作泰山礪吁嗟祁孔賓得失毫髮際

往者東入海飄然任所如大風戕波浪飛雪灑舳艫壯  
志昔尚少狂遊今併無誓登盤陀石重望扶桑墟

西域種羊皮書褥歌寄李仲羽

大漠迤西俗能種羊凡屠羊悉留其骨以初冬未日  
埋地中至春陽季月上未日為吹笳咒語則子羊從  
土中出凡埋骨一具可得子羊數隻

波斯谷中神夜語波斯牧羊供雜關當道剗刀羊可食

土城留種羊脰骨四圍築垣聞杵聲羊子還從脰骨生  
青草叢抽臍未斷馬蹄踣鐵繞垣行羊子跳踉却在草  
鼠王如拳不同老飢肉筵開塞饌肥裁皮褥作書林寶  
南州俠客遇西人肯得手褥令無倫君不見冰蠶之錦  
欲盈尺康洽年來貧不貧

按釋楚石琦公嘗目見其事  
曰此四生胎外之化也故有

句曰自言羊可  
種不信滿成絲

### 杜鵑行

南山北山啼杜鵑杜鵑花發山欲然千枝萬朵惜未得

中有一抹巴陵烟休說銅梁并玉壘搖蕩春光餘淚水  
五丁鑿路少人行石鏡生塵妖骨死東風青鳥來何處  
中宮移植銷魂樹不如歸去便歸家誰其友者楊州花

畫馬行

涼秋八月霜浩浩白雁驚飛散蓬葆川原蓄牧萬馬來  
揚鬣攢蹄斲枯草漁陽突騎自有真奚官剪拭傾城闥  
素絲結轡美無價繡罽披鞵驅向人當塗奮擲甚崛壯  
一旦紛騰入天仗父老東城接關雞邊兒內苑隨調象

煌煌京洛鳴和鈴奔走萬里如流星筋力追風烏鵲厲  
精神噴霧蛟龍冥往年踴躍將一跨寂寞而今空見畫  
黃金鑄式猶崢嶸多少地上騏驎行

江南曲寄周公甫

東風吹人千萬里青蘋花發前湖水江南女子木蘭舟  
却採蘋花泛流水水流花發春光好失時不採花應老  
年少吳儂歌懊惱白晳容顏半枯槁倏然來去雙彩鳧  
化作汝鵲穿雲衢汝珮復解江妃珠龍宮蛟室本不隔

相期更有瀟湘客

荔枝行寄王善父

炎雲六月先陸離人在閩南餐荔枝荔枝日餐三百顆  
紅線亞林欺衆果絳羅繫樹蠟封蒂尚食擎盤獻青瑣  
涪州歲貢與此同意昔移根來漢宮天生尤物不用世  
沾灑蜚雨吹蠻風蠻風蜚雨振林藪西域蒲萄秋壓酒  
勸君莫近楊太真傳說驪山塵汗人

明月行寄傅嘉父

上天有明月來自滄海東  
蠻潮夜捲馮夷宮  
海門一線驚欲射  
江面樓臺聳千尺  
冰岸雪崖屹不動  
水犀組練皆勍敵  
越人善泗技已癢  
明月光中吾得賞  
飛來白鶴晉清角  
跳出長魚漢疎網  
北風吹起蘆花秋  
笑撫錢王鐵箭頭  
襟衣枕斧此何處  
烏鵲無枝空繞樹

二月六日雨書都城舊事

燕南趙北吹黃塵  
九天宮闕生紫雲  
十二門開衢路直  
畫輪驄馬多行客  
歲寒殿外柳纔青  
金水河邊冰尚白

雞人傳漏放曉朝文石分班押百僚南陽近親最舞蹈  
京兆耆舊爭歌謠教坊供奉飾玉女鐘能鐘聲鼓能鼓  
錦來西蜀被玄駝肉出太官餐猛虎初日扶桑稍照人  
內筵錫燕杏花春沐犢駢牲泰時祀鸞旗翠蓋驪山巡  
東風萬里飄寒雨我昔稔聞今不睹快然呼酒擊唾壺  
茂陵徐生曾上書

姑蘇臺歌寄方養心

姑蘇臺南閭闔開姑蘇臺北鴻雁來春花秋月幾時好

步彛尋香去如掃冤胥憤血空海潮老澤妖妝又烟草  
少年為客誰我令千里汝猶談一經黃龍挾舟夜有雨  
白虎司劍天無星山中菖蒲十二節未肯落盡青頭髮  
姑蘇臺上愁殺人身在勾吳望勾越

烈婦行

落日沈海雲壓城官軍多載婦女行大弓勁箭自山下  
顏色如灰愁上馬我生不慣生馬駒存者吾子亡吾夫  
毋寧完身吐玉雪忍使餒肉當熊羆青楓嶺頭望回浦



血指畫巖心獨苦老螭扣地救未及芳草迷天淚零雨  
卓哉一死可百年此事已過永泰前黃沙野塞多降骨  
忠義傳中收不得

富春新創關將軍廟成吳子中攜卷索題

吳生病起有怪聞夢中識得髯將軍香火乞靈自此揭  
廟門醺酒樓閣雲我曾久讀名將傳紫金焰眼顧玉面  
漢鼎低離彊分割楚鋒剽狡輕攻戰天荒地老路不通  
魂升魄降飀秋蓬神仙負劍乃兵解巫覡傳芭真鬼雄

壯夫本合荊州死，嚴祀何哉富春里。只今江左四祠無，  
狄公髯乎髯乎獨不恨見孫江東。

題錢舜舉張麗華侍女汲井圖

景陽宮中臘脂井，手出銀盤牽素綆。鉛華不御面生光，  
寶帳垂綃花妬影。臨春結綺屹層空，壁月瓊枝狎客同。  
鴛鴦戲水池塘雨，蛺蝶尋香殿閣風。日高歡宴嬌若訴，  
牀脚表章昏不寤。吳兒白袍戰鼓死洛土，青蓋降船渡  
井泥無波井欄缺。半點臘脂汙緋雪，蕙心蘭質吹作塵。

目斷寒江鎖江鐵

白髮詞寄答陳時父

昔予頭燥髮未苗今我頭枯髮先折  
童心尚在顏貌改滿鬢蒼華點霜雪  
朝來抱鏡看未真鏡裏相逢類兩人  
東都貧孟歎孤劍西邸老康悲故茵  
烏髭每怕不得素素櫛何庸問哀暮  
楓林葉底變風烟藥草莖邊虛雨露  
自非神仙劉阮儔世間容有幾春秋  
情知鶴鶴長朱頂得見鴛鴦會白頭

黑海青歌

越山山有黑海青長拳快眼健羽翎三年籠養未得飽  
萬里驍俊猶飛星黃蘆老葦日摧折白鷺文鷁看磔裂  
腥沾石磧吹遶風髓擊寒岡散輕雪伊人脫手本凡禽  
歲晚連條到上林鉗奴素賤多侯骨騎士虛豪即俠心  
晉宮邸廢身欲死燕國雲銷草如砥嗟非鸞鳳高杳冥  
望盡狐狸衆披靡當時奉使探遼巢兩徼馳兵聞勇麋  
南土誰知此鷲猛北州驟見爭驚號天鷲薄天垂兩翼

海青雖黑打可得太平八極無不通  
函谷何問關西東  
嶺南宜濛子解渴水歌

廣州園官進渴水天風夏熱宜濛子  
百花醞作甘露漿  
南國烹成赤龍髓棕櫚亭高內撤餐  
梧桐井壓滄江乾  
栢觀金莖擎未濕藍橋玉臼搗空寒  
小兒封出香覆錦  
古鼎貢餘聲撼寢酒客心情辟酒兵  
茶僧手段侵茶品  
阿瞞口酸那得梅茂陵肺消誰賜栢  
液奪塞酥有氣味  
波凝海榭無塵埃向來暑歟評湯物  
沈水紫蘇聞第一

北方巫者降神歌

天深洞房月漆黑巫女擊鼓唱歌發高梁鐵鎗縣半空  
塞向墜戶跡不通酒肉滂沱靜几席箏琶疊作淒霜風  
暗中鏗然那敢觸塞外祇神喚來速隴坻水草肥馬羣  
門巷光輝耀狼麤舉家側耳聽語言出無入有凌崑崙  
妖狐聲音共叫嘯健鶻影勢同飛翮脫故王大獵處  
燕支廢磧黃沙樹休屠收像接秦宮于闐請騶開漢路  
古今世事一渺茫楚襪越女幾災祥是邪非邪降靈場

麒麟被髮跨地荒

題袁子仁所藏巴船出峽圖

巴山一帶高崔嵬  
巴江萬里從天來  
前夫疾挽後夫摧  
黃牛白狗遽船開  
曉風東回水西上  
灩澦堆頭伏如象  
盤旋鳥道怕張帆  
汨沒龍淵驚櫂漿  
世人性命重濤波  
吳鹽蜀麻得利多  
怪石急流須勇退  
貪夫險魄謾悲歌  
神禹醜江江更惡  
五丁鑿路空巖壑  
舟船可坐尚髮危  
棧閣能行終淚落  
嗟茲舉目無不然  
直愁平地即山川

至喜亭邊聊酌酒長年三老好攤錢

觀淮陰龔翠巖所修古棋經

淮陰老人古棋經廣陵大幕青油廳一江對壘靜晝日  
三楚結陣鏖流星東南賓客少馳檄白黑紋楸即彊敵  
坐穩縈迴建旌旆手談劈礪藏矛戟世間風雨長百變  
身佩安危知幾戰崑河割破半藩籬漲海掃空全局面  
樂矣軍中有此娛攻城掠野類兵書宮殿寢園終草莽  
冤旒章服到鮫魚君不見驪山婦姑三十六破屋數間



昏不燭夜來教得王積薪滿眼長安塞馬塵

夜觀古樂府詞憶故友黃明遠明遠曾作樂府考

錄漢魏晉宋以來樂歌古詞

憶昔黃君美如玉老屋青燈雨間宿起翻案上奇偉詞  
前後千年樂家曲子方弱冠學謳歌去問詩騷法若何  
偉茲欲繼三百五吮盡蝦蟇此蛟鼉就中齊代及秦楚  
巾拂鞞鐸爭傳譜清商雅部粲然文騎吹簫鏡雄者武  
心力涵泳到手力抄撮來口力有白醪目力無纖埃時

時弄筆便著句花木禽魚古今趣北岸垂綸楊柳枝東  
隣著屐櫻桃樹自此相逢二十春一朝門巷聞生塵淺  
殞蓬蒿凍螳噉荒廬寂寞妖狐嘯人世本無金石壽簡  
編零落安能久藝文著錄數百家一二僅存誰不朽一  
二不朽終崢嶸歲遠寢恐山淵平嗟吾尚愛古樂府夜  
半松風知此聲

客夜聞琵琶彈白翎鵲

白翎鵲東海來十里五里何摧頽一飛飛上青霄際再

飛飛墮黃沙堆少年臂名鷹齊出誇駿馬放鷹一馳躍  
與鵲相上下身佩木弓射必命中中疊雙叶蹀血芟毛  
天欲雪摩雲壓草地多風衝突三邊有意氣指揮八極  
無英雄白翎鵲西海去千里萬里何軒翥一飛飛上賀  
蘭山再飛飛過鐵門關少年領彊兵乘勝即轉戰戟頭  
吹火光旗幟舞秋練手持生鐵刀空城鳥雀盡死麋麋  
鹿瘡痍無處避角獐躑躅向人號收拾廣輪莫郡邑肅  
清星嶽靜波濤白翎鵲東海西海都驅廓太常召見日

月山治定功成禮樂作大雅清商久寂寥鷗雞遷徙多  
弦索上林花開早浮艷榆塞葉落終迴薄一聲高一聲  
低一聲懾懦百虎豹一聲束縛千鯨鯢白頭漢士聞先  
拍青眼邊兒聽却啼君不見康崑崙羅黑黑開元絕藝  
傾一國若還覩我白翎詞二十四弦彈不得

題錢君輔紫芝圖

我聞錢子古丈夫早歲喪親伏墓廬血淚迸空百草枯  
神芝挺發黃土壚一莖三秀曄以敷圓釘寶蓋屹相扶

醴泉灌注含膏腴紫雲覆護連根株山靈地媪侈厥符  
鳥啁獸躅助號呼削杖直經麻布襦毀容惡服絕復蘇  
孝悌有玉貫斗樞卉木榮華孝之餘里閭耆長起歎吁  
痛心疾首矧可摹夫孰無親堂上居日嚴祇敬本一軀  
夫孰非子膝下娛風樹悲撓弗待予愛生戚死自古初  
德鉏諱帚俗易趨剗分宦與類向隅較計絲粟遽異儲  
被薪委壑餒鳶鳥酣酒嗜炙醢枯孟哀雖在身孝已渝  
天薦厥祉天亦誣信哉純孝與世殊史筆值此合特書

素冠所刺今不無朱草有神錫爾孤琅玕玉樹豈得如  
岱衡恒華五嶽都玄黃赤白擁趾臚列仙山澤或療臞  
瑞不為孝徒區區天寒歲晚霜霰疎慎終追遠在我儒  
匪丹伊青繪此圖後有過者尚式車

### 白鼻騮

白鼻騮白鼻騮當軒迴立噴風沙名驥留良定北土蹇  
驂索價猶束家青松縛柳曉安早紅錦裁韉春映草支  
遁心機愛神駿伏波骨力輕衰老去年禁馬無馬騎天

下括馬數馬皮浮湛鄉閭萬里足笑傲品秩千金羈幸  
哉漢武重修政往矣劉聰真覆鏡立防戰備要馬稀歲  
富民寰須馬盛向來河隴色為羣目極川原亂若雲庶  
人徒行未足恤世間醇駟何由得

偶閱昌國志賦得補陀洛迦山圖

甬東東際控東荒蓬萊北界跨石梁天風吹來黑水國  
海雨灑過青龍洋寶陀山高此孤絕善財洞近爭巉裂  
黃金沙土結香雲白玉樹花飄瘴雪扶桑島上接鯉人

棋子灣頭望馬秦安期先生脫赤舄義和女子扶朱輪  
晨雞鳴聲日觀立老蜃樓臺潮侯急釋迦方域船舶通  
娑竭世家宮殿濕君不見海人稽首扣海磯蛟鼉不動  
護仙衣紫竹旃檀何處所毗陵頻伽獨飛舞

五洩東源有地度可十數畝後負山前則石河如

帶幽叟深窈蓋隱居學道者可築室偶賦一詩

屬陳彥正

越中五洩古名山東源峻嶺空雲間老石峻嶒欲見骨



天河瀉破莓苔灣蛟龍縮身似蜥蜴魑魅出沒司神姦  
雷公一聲忽下擊鳥跡不到猶重闌青華仙真舊治所  
碧落侍從登清班穴疑綵狻據一柱戶想銅獸銜雙環  
鳳馭鸞鞭白羽瓘芝樓菌閣朱莖殷梯樑未絕或可值  
洞府寢遠多愁顏嚮曾褰衣得揭涉別擬鑿徑通茅管  
寬弘頗占十數畝靜粗覺非人寰澗流帶綰玉繚繞  
巒翠髻擁花欄編截斷塵埃與世隔構成簷宇寧吾慳  
陳君尋常有道力況此跬步臨幽潺虛室光明白不動

寶爐溫養丹將還丈夫出處我已定馳字早寄孤飛鷗  
休拘崑崙併漲海遇有勝處同躋攀

韓蘄王花園老卒歌

蘄王手種紅錦花十載不挂鐵鋌鍛花園老卒守花樹  
睡著花磚聞曙鴉白頭白盡身無事古塞沙塵戰餘騎  
多士如雲足健兒一奇在腹終憔悴青銅萬緡滿地光  
寶函矯節賜夷王宮粧粉艷去酣酒海價珠賸歸壓檣  
王家舍兒驚吐舌御府珊瑚碎飛雪口猶乳臭却帳前

嬰鑠一翁嗟棄捐君不見天下英雄本奴魯左鼻成龍  
右鼻虎頭血淋漓思鸞鼓史傳沈埋誰比數花開花落  
幾風雨

此事詳載鶴林玉露須按  
其始末方得作詩之旨

月出東林客窻上疑梅花影

朔風何處寒梅發江水悠悠路超忽逢花不語疑見人  
對影非真却因月縱使無花意自同誰知有影色俱空  
回頭不見東林樹猶勝羅浮是夢中

次韻傳適道虎陂聞舟中

少年解唱邯鄲曲惟有垂楊夾堤綠夜來誰抱焦尾琴  
彈作東風雉登木虎陂閭裏水生烟荆門山頭星照船  
爭似楊州春十里一雙鸞信待君傳

方養心欲遊泰山用前韻作思仙詞復和之

浩歌起作遊仙曲黃鶴無期瑤草綠神人結屋泰山巔  
手拂浮雲攬若木一笑齊州九點烟天風吹斷蓬萊船  
還上高丘看遠海有書莫遣麻姑傳

古祥寺

一昔逢寒食行吟採物華風生敲檻竹雨濕墮船花曲  
塢青龍樹長灘白鷺沙回看江上水直去到君家

秋夜效梁簡文宮體

二首

無奈涼夜永起登樓上頭鵲翻金殿宿螢近玉階流梧  
桐老葉恨芙蓉新藥愁嬈好團扇上那得不驚秋  
曾是昔年寵如今誰與同秋獵長楊苑夜幸猗蘭宮瓊  
杯香泣露翠袖薄禁風將心與明月流入君帷中

一笑

一笑長竿折徒憐大海魚文章猶醬醃塵土只鹽車白日燕臺劍清風禹穴書上林誰獻賦愁絕馬相如

歲初喜大人回自嶺南遂攜兒諤北行送之

乍喜吾親返還攜稚子行風沙千里道雨露九重城舊汎江潮遠新過嶺瘴清長秋官屬盛去可接簪纓

此去知何處飄然惜爾年塵飛馳馬埒雪擁讀書氈日觀躋攀外雲臺獻納邊文園寧久病須奏上林篇

次韻吳正傳都城寒食

悠悠獨酌舞春衫  
千障黃塵客未諳  
鐵騎引駝沙草北  
雕弧驚雁塞雲南  
太平天子回中望  
齊國先生稷下談  
猶有七香車幾兩  
曉來風雨定誰驂

滄州

荒亭貰酒壯心違  
目極東州霧雨霏  
百里齊封滄海接  
千年禹跡濁河微  
暗塵棹馬呈金轡  
衰草看羊著錦衣  
猶記上元鳴鼓夜  
滿船燈火越歌歸

觀唐沈汾續仙傳

手展仙書向北朝起予俗病對芭蕉  
室間半夜雲璈動巖罅千年雪髓消  
閒說茅龍騎太白遙聞木鶴降仁嬌  
秦車漢輦窮天下望斷蓬萊併寂寥

寄吳正傳

日晚天寒攬敝裘西南日盡澱江流  
養生有論空成懶招隱無騷却好遊  
雁鵠吟風燈照几蛟龍躍雪劍鳴韞  
平生自笑飛騰暮幸矣心猶與道謀

憶寄方子清時子清久留吳中



一別嗟何處相思撫舊蹊月明施瀨北雲起蠡嶺西跋  
步舟車動過從笈篋攜隣光因借燭道味肯吹簞好學  
螢分照論交雁擇栖丘園心薜荔海國氣鯨鯢卷帙籤  
翻蠹謳吟研發鬣經筵叅老易樂府錄鏡輦治法推周  
稼淳風仰漢綈談玄知野馬考字守家雞土域標鞮象  
天圖辨斗奎遺文多廢墜妙契極端倪獨樹盤桓久平  
蕪眺望低霜林紅玳瑁霧雨碧玻璃屏跡依狐兔銷愁  
對鷺鷥塵書投梵夾美餉挈童鐫櫺葉時遮峒藤梢或

胥谿龍居睨雪瀑虎路躡霞梯出入恒聯袂追隨幾杖  
藜竹山香嶺嶠花島繡湖隄尚義開蠻始延儒振席齊  
生徒脩棗脯祭品授菹鸞錦石看還數蒼松倚却題吾  
伊朝屢集渾灝夜同稽自謂菖為歆人疑穀似稊中悵  
真抑鬱外物總筌蹄歲序空流邁波濤益慘悽故袍寒  
擘繭雄劍滑膏鵜綠映牽帆水紅黏曳屨泥娃宮釵鈿  
拾甫里筆牀齋鶴市歌喉引鱸鄉鱸手挽吳趨誇粉黛  
越產購珠犀富業連橙園苗霖潰稻畦占歸仍浩渺結

客重酸嘶彼此身如寄參商夢欲迷蓬飛甘掃軌桂落  
得通閨俠眼收丹電仙襟化素霓貧期金埒騁賤許玉  
階躋病矣長憂痼閒哉敢恨睽擄除須爾鑷磨刮更予  
篋本欲晞王貢茲猶慕阮嵇猖狂疏奏牘輒弱謝耕犁  
習靜求神悟超羣畏俗擠清琴桑有鯉鉅弩蹠非鸞教  
駕傳銜轡觀隅識撩枻勑芝薰受謫抱璞踰聞蹄性命  
緣窮鬼功名厄嬖奚悠悠鸞與鳳泯泯鹿將麕白谷今  
安駟青霄古執珪毋寧長隱逸辛苦等黔黎

# 吳師道

字正傳婺州蘭溪人自羈州知學即善記覽工詞章因讀宋儒真德秀遺書慨然有志於為己之學質之同郡許謙謙復之以理一分殊繇是心志益廣造履益深登至治元年進士第授高郵縣丞調寧國路錄事遷池州建德縣尹錚然有聲中書左丞呂思誠侍御史孔思立列薦之召為國子助教其為教一本考亭而遵許衡之成法六館諸生咸謂得師以禮部郎中致仕終於家所著有易詩書雜說春秋胡傳辯及文集若干卷

## 賦茗溪漁歌送殷尉之烏程

茗溪多漁村渺渺連震澤歸舟聞扣舷清唱烟水隔聲

隨晚風長響入秋山碧官曹閒無事聽之聊自適  
滄浪思恨不同泛宅如逢玄真子應問金華客

老翁行

老翁手插標泣售官道邊自云八口家貨易去凶年婦  
人二斗粟兒子一餉錢少壯猶有歸老者當棄捐逃生  
欲他適四境同騷然流尸穢江波累骨明丘山閩中稍  
云樂瘴癘多不還遠近一死同去去勿復言春深四野  
綠流水鳴空田饑魂耿難招日莫愁淒烟聖王養四海

留患仍安全骨肉老不分丘墳死相連傷哉見此事慘  
怛中心酸

鴻門宴

花膺繡膊帕抹額勇士如雲森劍戟沛公對酒顏如灰  
主人重瞳光照席重瞳座上身如寄卮酒未吞心已醉  
醉酣不辨真人百萬貌睺眼中睡春融玉帳香風開  
嗚嗚帳下箏琶哀目前等作萬口計軍聲四面歡如雷  
沛公唯諾非無意就中暗擊秦天地此時可想聽得異

四面軍聲皆漢騎

按吳正傳歌行有鴻門宴及姑蘇臺章華朝陽戰馬共五詩其四首已見

之於貢泰甫集內即此一首亦莫定果為吳作否姑存之

東王文學

有客空齋歎不歸鄉心二月亂於絲杏花深巷春風夢  
茅屋荒田夜雨詩天氣未佳宜且住人生行樂竟何時  
乞君安得千壺酒爛飲狂歌慰別離

再和鹿甲寺吳存吾韻

十年不到雲間寺白石清泉笑俗塵環壁詩存蒼蘚古

空山鹿去野花春，舊僧零落多歸塔。  
劫火蕭疎近失隣，好事主人能釀酒。  
從今來往不辭頻。

衡州超化寺

南朝老屋半傾欹，尚想諸賢會集時。  
閣外雲山天歷歷，城頭風雨樹離離。  
渡江足馬空成夢，冒雪孤鴻自足悲。  
賴是同行非俗子，僧寮借紙錄殘碑。

寄題留山道館

幾處燒丹詫葛翁，留山今復見新宮。  
神仙自愛無人識。



樓館誰令有路通碧水帶花來洞口玉笙隨鶴度雲中  
更尋履石依稀迹轉覺幽深興未窮

佳山水亭

百年老屋半蒼苔一日佳哉舊觀回浮世何曾改山水  
高懷聊復寄亭臺夜深漁艇簷頭宿日落僧窻竹裏開  
此去京華踏塵土時時還有夢飛來

錢舜舉畫卷

不向東風開酣霜拒秋冷紅白為誰妍自照滄浪影

次韻晉卿北山紀遊

一壑風烟自可留十年湖海漫曾遊  
短衣射虎真堪樂莫恨將軍老不侯

乾  
陞  
御  
寶

宋元詩會卷八十三

欽定四庫全書

集部  
宋元詩會卷八十五

詳校官中書<sub>臣</sub>陸湘

主事銜<sub>臣</sub>徐以坤覆勘

總校官知縣<sub>臣</sub>繆琪

校對官中書<sub>臣</sub>田尹衡

謄錄監生<sub>臣</sub>金拱閭

欽定四庫全書

宋元詩會卷八十四

兵部主事陳焯編

杜本

字伯原臨江之清江人博學善屬文江浙行省丞相呼喇穆爾得其所上救荒策大奇之力薦於武宗嘗被召至京未幾歸隱武夷山文宗在南邸時聞其名及即位以幣徵之不赴至正三年召丞相托克托以隱士薦召為翰林待制行至杭州復稱疾固辭所著有四經表義六書通編十原等書年七十卒學者稱五卒學耆稱為清碧先生

寄仲弘

老來自愛黃叔度少日真期魯仲連  
高臥獨無田二頃曳裾誰有客三千  
浪波渺渺浮鷗鳥白日翩翩換歲年  
却憶江東楊少尹劇談終夜不成眠

用韻贈相士

武夷九曲好清流且櫂扁舟試一遊  
高挽藤蘿捫翠壁緩穿竹樹問丹丘  
黃金徒貴誰求馬白石空歌自飯牛  
盛世鳳麟如要識莫耽幽討更遲留

題小景

秋雲滿地夕陽微黃  
葉蕭蕭雁正飛  
最是江南好天氣  
村醪初熟蟹螯肥

何中

字太虛撫之樂安人少以古學自任弘深該博諸  
先達皆推服之至順間江西行省平章全岳柱聘  
為龍興郡學師未幾卒所著有易類  
象書傳補遺知非堂藁共三十九卷

穆山山中

江南有丘壑我生良獨閒  
秋風二三友  
竭來遊茲山

深不見寺但見飛泉寒蛇行兩山掖天風鳴珮環青煙  
從何來墮我前林端未知有徑否鐘磬猶未殘長歌萬  
谷應仰見數峯攢紆徐緣澗入側步寒雲闕豁然得空  
曠聊復解破顏殿靜蘚花潤松危鶴聲乾僧寶炯數珠  
相我盤礴觀大開雙白眼應接幾青鬟

烏石山天王寺

天王小精廬山角臨城闕古稱藩服雄畢竟環相陳塔  
影六七枝瓦縫千萬鱗烟明南臺樹潮壯方山津老僧



肯前揖似余異人人指點壁間畫脩廡行逡巡觀音大  
自在維摩妙悲顰蒼然古木陰寒山若可親板扉幾尊  
者一一皆風神老僧太息言却餘偶遺珍從今幾年算  
此壁終成塵余笑謂老僧子意亦良勤適見俄已失當  
悟無還真

戊子十一月二十四日拜疊山先生于雙桐驛益  
先伯見山同丙辰理宗親擢也先生叙舊好言  
同心焉明日中賦詩為別

吳門白日落孤妾悲洞房徙倚無所歸朔風滿羅裳昔  
為春柳陰今作秋菊黃芳景不速盡妾心與俱長逝者  
魂魄在九京共徜徉粲粲河吐水蕭蕭天雨霜出門即  
遠道死生永相望

遊芙蓉山

二首

十里五里石一步一長嗟行行山轉高悠悠日將斜  
紫折抵深谷直下十數家來往自成村桃柳映桑麻崖杉  
老絳葉石榎垂枯花陰凝四時雪陽燄一川霞誰令余

到此幽意浩無涯行將辦畚鍤來此耕山畬

岩岩青芙蓉峻秀琢寒玉危流千丈飛鏗鉤石相觸幽  
闕魚龍宮荒寒霧雨蓄淒神不可留前登散遐矚參差  
雜花動香氣汎深谷日照丹霞開萬峯洗晴綠同心有  
長鑱緩尋靈藥斲葛仙早見招庶得從所欲

歲晚詠懷

天霜不停威寒韭日以槁厲飈竟吹脫未許依叢老南  
山多白石終歲常皜皜乃知得至靜超然全所保妄盡

無非天心寧不違道凋落奚足懷鍾山有神草

松野即事

二首

娛心仗老筇細數諸峯影微烟過前樹淡日在半嶺幽  
鳥識歸宿遑恤雲路永冥鴻各有見日邊半行整出處  
無定期是非諒難省

山窻一叢蕙脩葉吐紫蕤或云斷續花我亦豈敢疑楚  
澤多芳草真偽奚難知浮俗尊虛名君子傷令姿博觀  
貴自得清芬良在茲

白馬篇

冥冥子規林蕭蕭綠楊路白馬誰家兒揚鞭西南去去  
去知何為不辭塗濘苦陰陽速相禪乾坤幾新故丈夫  
慎馳騫出門已難步悠悠獨鳥沒霧暗連村樹

文江夜舟

北斗一何渴下飲空江流南雁知何愁相喚不自休東  
浦征人歸孤燈出籬幽西淵捕魚急飛火走一舟漢皇  
極寬仁今年租稅憂有生一擾擾吾道更悠悠

曉發辭夫磯時李洞漑之先行

荻暗鷄鳴村平舉下殘月參差隣舫語艣聲帶潮發露  
華望中白蓬陰散秋髮沙鳥知曙鳴海雲上空滅念我  
前行友青山已飛越逢爾及相攜無嗟賞心歇

龍潭阻風夜興

水宿滯前期前津北風惡林寒燈影深莎雞滿籬落荒  
忽寄孤迥淒清愧離索年光星河轉夜氣衣裘覺乍駭  
勁翻翻俄驚大魚躍潮痕侵柳根移船避沙閣

早發東阿午經東平晚宿汶上是日雪

嚴裝齊地曉投館魯鄉暮天寒客心速雪下車聲遽速  
獸出桑畦流人披野路淺靄須城山斜橋汶津樹前聖  
有遺業惝惘經行處荷篠與耦耕何其得深趣

早起

覺來日已升花梢衆禽語何許白浮萍池間散還聚起  
見梅花空夜來幾更雨魚行春到水草暖香在露溪上  
人語喧樵薪滿沙路

菊

我耕不半畝黃花列千叢蕭條變良時一夕萬里風立  
孤不作難英英異風骨若看牆東客夜寒步霜月

春風如少年效程漢翁

春風如少年狂逐無定處垂楊曲江堤細草東郊路祇  
言今似昔不悟新非故流水何時歸殘鶯數聲暮

招仙觀

逶迤溪南路窅窕招仙谷空堂兩道人殘棋映深竹一



葉響疎籬雙鴉啼高屋出門隨歸人遠燒在山麓

發新淦金水亭

振衣上野航回首謝山阪日淡秋水空風清片帆遠沙  
光侵岸發峯影隨人轉前渡烟火深離亭路今緬

淮安道中

鐘聲起前林悠悠向南客天垂大野高月淡行路白雞  
犬淮上村雲霞海邊色舊時塞垣地來往人馳驛

漢宮春

君不見漢宮六六多佳麗  
露花半染雲裾翠  
少翁招得夫人魂  
孤鸞夜啼月波墜  
趙家姊妹專風流  
雙蛾不識人生愁  
芙蓉並蒂歌一朵  
西風青鳥徒離憂  
飛龍翩翩上天去  
雲幕椒房土花雨  
墮膩埋脂恨未消  
香魂尚寄寒莖舞  
人間炎日焦衆芳  
肯隨葵藿來傾陽  
柔情幽怨透地脈  
烟幃寂寞強成妝  
誰吹舊曲綠雲切  
寸心婉婉應愁絕  
綠羅幾疊御賜衣  
紅綃半點守宮血  
空留媚臉栖霞餘  
妍遙憶羊車望  
幸年至今一片巫山雨  
化為飛淚

徒潛然故家陵苑孤雲外綠樹如雲草如海殷勤惟有  
虞美人同向牆陰弄晴靄

春怨

洛人傾國賞牡丹東家繡轂西家園黃鸝紫燕新得意  
柔雲如酥花迷魂遊人寂寂歸何處花亦年年占風雨  
江南却遇李龜年蘇州空感楊開府誰吹玉笛斷人腸  
斜橋淺淺流水香惟有千年老銅狄看盡人間幾夕陽  
冲虛宮景真堂

怡山東麓堂靜深欲尋真景真難尋  
華鐘時發貞明韻  
秀木遶縣天監陰天風颼颼吹余髮  
戲綰幽藤作條脫  
騎鳳簫驚烏石雲降龍劍照鼓山月  
丹爐藥竈長周旋  
六時采擷三芝鮮蓬萊書札失幽約  
幾度歸潮深碧烟

秋夜長

雲浪流碧虛雨花散前除西風紅葉  
石欄曲盡併寒聲  
歸綺疏回文讀罷雙蛾斂城上啼烏  
稀漏點東家嬌小  
乍迎郎沈水銀篝殘晚妝燈裏鏡臺  
閒自照紅顏相似

夜偏長

高困春冬歌

二首

春風東來汎幽谷出門一笑人間綠  
新雨池塘柳帶鶯嫩雲洲渚沙眠犢  
一蓑一笠東西村天高地下斯人存  
歸來醉醒聊隨意翠樹無言花滿門

寒鴉萬點落葉赤山風蕭蕭野日白  
池上梅花俱有情林間茅舍元無客人  
言梅花知歲寒花亦偶然冰雪間  
向來羣芳冷欲盡蘭芽已動春將還

幽尋

意適可幽尋  
天空晚氣沈  
鷗飛一川迴  
花落五雲深  
庾子江南恨  
瓊奴柱下吟  
野風吹我老  
鴻雁有餘音

晚興

雁背霜花落  
吟悲興自如  
天虛鱗甲動  
山老鬢毛疎  
斷隴暮歸客  
寒溪人自漁  
蒼茫閉籬落  
政爾緩驅車

喜雨

雲葉來西北  
風聲乍疾徐  
冥冥天下雨  
湛湛圃中蔬  
書

傳堪經世乾坤且助鋤欲言無與領獨立看芙蓉

奇石

奇石爭迎立青杉互引前泠泠兩溪水淡淡一峯烟間  
作題巖字時逢採藥仙蒼崖忽陡絕松影一蕭然

山中

何處征徭急茲山水石奇鳥鳴新葉長磴仄斷雲移  
坐天正碧起行風自遑徑穿松罅去巾袂冒蛛絲

南居寺

閉戶未從容出門誰適從聊隨碧溪轉忽與白鷗逢小  
雨十數點淡烟三四峯幽尋趣未已山寺已鳴鐘

病中感懷

多病他鄉外孤懷始覺愁山園雙露曉門閉一蟬秋遇  
合馮生缺勲名季子裘悠悠耦耕者端暇為人謀

陳家源 二首

恐為仙源裏山從洞口開茅簷無客到稚子怪人來塘  
綠魚迎日林清鳥啄苔欲令幽賞足石道泝縈迴



翠霧斷崖側丹霞流水西竹從幽處密松自古來  
欹落葉半藏路清風時滿溪仙家元不遠未許衆人知

立秋夕作

但覺焦原苦何當沛澤流夕風微報響古木暗藏秋生  
事冥難測閒心遠作愁亂山高下碧烟靄淡浮浮

送人歸臨川

金河疎柳外去櫂響流澌為客有歸日送人愁別時寒  
雲隨雁遠南雪到山遲舊隱書無恙行藏莫豫期

江中

挂席亂驚湍曾過此渡難潮歸揚子晚山入秣陵寒聽  
語知鄉近忘年計日寬穩行隨夜泊烟火滿江干

鄱陽湖中除夕

除夕生能幾誰無骨肉親望鄉偏恨路在遠欲遺身湖  
雪殘波岸船燈獨夜人淹旬須一月珍重故園春

辛亥元夕

頑坐故貪默忽行時自言寒沙梅影路微雪酒香村時

序鬢髮改人家童稚喧街頭試燈候不到郭西門

贈李仲元

曾逢偏意悟顏面費追思把酒忽相語計年深自悲亂  
山藏路遠秋水去城遲若到寒溪上教兒護菊籬

別唐仲謙

記名長似識相見始慚非每到極言罷却欣幽聽稀日  
明山氣改江靜水痕歸添得今朝別城陰空掩扉

水口夜思

牢落不成寐，荔陰寒石磯。  
潮生灘響盡，海近夜涼歸。  
旅思隨時改，鄉音逐遞非。  
燕南與粵北，祇足費征衣。

吳仲谷來喜雨

山居難適俗，到縣動經年。  
偶出成奇事，相看各粲然。  
酒深孤榻外，燈淡小樓偏。  
草草荀陳夕，他時尚有傳。

除夕

歷歷諸除夕，遽廬是處安。  
翻因歸路近，始覺到家難。  
浦隔雁聲落，蓬孤燈影寒。  
家人應共說，賓閣尚盤桓。

送李仲章遠遊

風笛無聲笑指空  
出門誰碍更求通  
一帆千里客何遠  
王氣雄圖江自東  
赤壁驚烏飛夜月  
衡陽歸雁落秋風  
人間興廢不須問  
詩在江潭柳影中

秋懷

萬壑東歸晝夜流  
人間自是本無愁  
不悲白骨塌秋井  
尚恨華屋歸山丘  
此事直須一杯酒  
只今何用萬里侯  
明朝且可尋黃獨  
荷鋤徑往西山秋

雨中

炎夏如秋氣已遷  
老天奇變亦多端  
山橫北牖陰雲合  
人對南山暮雨寒  
江海窮居無米易  
古今隨意得詩難  
巖花落盡幽禽語  
坐擁千林俯碧欄

八月二十八日

黃竹哀歌世偶傳  
佳期應待後千年  
曲江宮外看蒲柳  
凝碧池邊聽管絃  
古往今來人化鶴  
天長地久帝為鵲  
蓬萊水淺應聞似  
徐福歸舟已失仙

次韻彭希爽吳景傳約遊穆山

穆山祇在白雲隈  
壁石為門任去來  
兩澗寒聲通法席  
數峯秋影散香臺  
林藏僧梵含風遠  
嶺隔山樵戴月回  
此地能令高興別  
中秋時近桂初開

舟中

竦立去帆波渺渺  
深籠寒靄樹稀稀  
象牙潭上風初急  
龍霧洲前雪亂飛  
山掩孤鐘分響到  
沙明叢雁逐行歸  
雕房熾炭行時令  
阿那痴漁擁斷磯

題崔伯明詩卷

海底珊瑚不易收，俄然在手醒雙眸。  
蜩皇煉石天無縫，織女機絲月共秋。  
一草作花生自別，三年刻楮巧堪羞。  
客窗燈影誰為伴，雨響空欄徹夜流。

酬揭曼碩贈別

來日君還在我前，歸時我獨占君先。  
冰寒斷道鳴駝外，雪暗空村落雁邊。  
畫省諸公扶日月，南州孤客記山川。  
松聲多處黃精好，舉手青霞始學仙。



秋夜獨立有懷

秋老谿貧獨夜時  
邛枝移徧響蟲飛  
山城鼓疊月生海  
林屋燈寒風動扉  
帶雪關河人別久  
隔天書札雁來稀  
忘情每有難忘者  
黃葉一庭霜滿衣

偶成

初啼山鳥篆香斜  
荏苒明時翫歲華  
三日雨深春在水  
一林烟濕暖生花  
尋盟舊卷鈎簾展  
開禁新醅隔竹賒  
却憶去年歸漸近  
半蓬殘雪上寒沙

陳虛一尊師山房雨後

一片閒心倚石壇，  
千峯向背碧當軒。  
海門雨氣縣虹影，  
洞府香風縈鶴言。  
絕艷槿花深映戶，  
生紅荔子密圍村。  
早知千里移家近，  
久辦黃岡十畝園。

新淦阪步作

松筠色潤翠成圍，  
鷺鴨聲多水漸肥。  
隔縣販人爭野路，  
迎年浣女試新衣。  
暖烟黃柳知春到，  
殘雪青山伴客歸。  
茅屋酒旗隨處有，  
悠悠世事儘相違。

閤阜山

兩崖松竹綠蕭蕭時聽巖陰響野樵鶴信蚤歸題錄客  
蜂房分綴鍊丹寮晉時月在淦源淺粵國雲通勾漏遙  
仙馭肯忘橋鼎地鳳笙清夜落璿霄

夕陽

斜陽盡入笛聲中兩岸樵漁一水通楊柳已疎楓漸落  
黃花渾未識秋風

微雨

一天微雨濕芳塵紅綠相依幾處春  
家在海棠花下住傷心長是未歸人

### 洪希文

仙遊人其父名巖虎字德章宋咸淳丁卯貢士工詩有軒渠集希文其仲子也希文詩學得諸家傳故以續軒渠名集薊子列傳曰兒識父母軒渠笑悅希文從父匿萬山中倡和朝晚燒芋咬菜人或不知無愠色也生前至元庚辰卒至正己巳壽八十有六實與元代相終始云

### 送林景惠興化教諭

朝遊夾漈山漈水何漣漪暮登石門山山石亦差差水

石太古色山人去何之君今遊此山為余訪顏基多謝  
炊藜翁七略今有歸矧茲十室邑文獻猶庶幾君子樂  
育才新樞理不遺白袍久延佇獨立風披披煦之以惠  
風暢若春陽熙前程雖云邁來者猶可期

貧甚食草具作

赤莧赤如脂苦蕒甘如飴盤登惡草具味等薇與芝賢  
哲逝已遠昧昧余所思伊人既忘世此外皆若遺梁肉  
世豈乏飽死黃膈兒千金注渥種歲晚鳴枯其尚餘耽

書癖不與塵土緇此樂豈在外簞瓢猶山雌

龜洋僧越浦造寧海東際橋姪清甫為求詩以壯

其事

我昔攜二客涉此春江潯春江渺無際下有魚龍吟行  
客日已晚夾岸菰蒲陰滄江見舟子招招勞予心我家  
山之陽我友山之岑懷哉不得往黃鳥鳴空林向微塵  
外人慨此將焉任欲立萬歲功豈憚歲月深刺手斲巨  
鼇壘址重淵沔雲濤鼓韶濩共爾澆煩襟吾鄉鄒魯鄉

人物多華簪寥寥識緯語桓譚非所欽為謝金仙子氣  
化無古今逝將紀江漢相國生自闕

續鼎夷中傷田家

質質丘麥秀螻螻吳蠶生微行執懿筐亦既受厥明上  
馬給王賦下馬紆官征豈為饑寒念所念瘡痍平哀哀  
生理窄了了無餘贏惻怛夷中詩萬古田舍情

題聖墩妃宮湄洲嶼

我昔纜舟謁江干曾覲帝子瓊華顏雲濤激射雷雷集

殿閣碑元魚龍間此洲仙島誰所構面勢軒豁規層瀾  
壺山峙秀倒影入乾坤擺脫呈倪端粉牆丹桂輝掩映  
華表聳突過飛巒湘君小水幻靈骨虞帝跡遠何由攀  
銀樓玉閣足官府忠孝許入巫咸班帝憐遐陬雜鯨鰲  
柄授水府司人寰五雲殿邃嚴侍衛仙衣法駕朝天關  
危檣出火海浪破神鬼役使忘險難靈旗耗毫廣樂振  
長風萬里翔孔鸞平洲遠嶼天所劃古廟不獨誇黃灣  
至人何心戀桑梓如水在地行曲盤升階再拜薦脯藻



不以菲薄羞儒酸日談書史得少暇  
石橋潛度凭雕欄  
詩成不覺肝膽醒  
松檜蒼蒼鳴琬環  
騎鯨散髮出長嘯  
追逐縹緲乘風還

春寒無炭

古人坐客寒無氈我今為客寒無烟  
東風兼領玄冥權  
今年春寒過去年  
梅子含酸實未堅  
薺麥雖茂胎未全  
海棠羞澀開紫綿  
山南山北無杜鵑  
詩翁縮頸聳兩肩  
元龜守殼凍不前  
吟成呵硯冰尚堅  
毛穎蹇劣非張顛

喚起石鼎句再聯倚牆道士鼻息喧此時得酒真解仙  
博取一醉尚可憐君不見雲安斗水直萬錢杜陵雖老  
性命縣畫灰對雪思悄然忍寒披絮夜不眠牛頭何日  
雙錦纏

### 飯牛歌

牛吒吒蹏躑躑枯其嚙盡芳草綠自晡薄夜不滿腹擷  
菜作糜豈作粥飼饑飲渴兩已足脫紉解銜就茅屋不  
愁饑腸當輓輓風簷獨抱牛衣宿丁男長大牛有犢明

年添種南山曲

惜春吟

去年醉倒百花傍  
旁人拍手笑我狂  
從今花酒兩無分  
一春正坐雙書忙  
先生雙書未肯出  
詠柳題花閒度日  
朝來着步花已空  
搔首東風長太息

聽琴歌

疎簾曲檻蘋風涼  
細腰美人藕絲裳  
神閒氣定丰度遠  
玉指纖纖彈復霜  
喬林鶯囀日卓午  
幽澗泉鳴夜未央

孤鸞別鶴生暗恨毋以永炭置我腸

曉行途中書事

冥發昧所適東西覺惘然門敲村店酒鐘落客津船猿  
叫荒山月雞號墟里烟回思在家日日晏尚高眠

穫稻

雲散水微茫千畦萬隴黃罄腰勞日少鼓腹樂時長處  
處聞雞犬家家足稻梁太平本無象新釀甕頭香

壽峯翫月

素娥准勅六丁擎下照塵寰似水晶河漢無雲天萬里  
溪山不夜月三更蓬萊弱水何曾隔玉宇瓊樓只此明  
今夜壽峯峯絕頂與君端坐細推評

清明遊陳氏園亭

村村花柳豔晴川百五時光不暫延綠暗園林尚佳節  
清明亭館自新烟喜逢熟食傳遺老怕着新衣學少年  
惆悵東欄花似雪人生底處勝樽前

春晚同數客遊靈巖廣化寺書所見

塔外青山匝四圍  
澗邊流水繞松扉  
白雲一塢僧長住  
紅杏數枝春漸稀  
雨足人牛耕曠野  
山深鳥雀哢晴暉  
長廊響屧皆明禁  
口自忘言心自非

盧琦

字希韓惠安人至正二年進士十二年稍遷至永春縣尹賑饑減歛勸農興學其邑大治鄰境仙遊盜發琦適在其縣盜遙見之羅拜曰此永春大夫也為大夫百姓者何幸之大乎吾邑長用暴毒驅我故至此耳琦立馬喻以禍福衆皆拔刀請縛其首以自新琦許之酋至械送帥府自是威惠行於境外安溪賊數萬來襲永春琦召邑民喻之曰汝等能戰則與之戰不能戰則我當獨死之耳衆皆

感憤曰使君何言也使君父母我民赤子其忍以  
父母畀賊耶因踴躍爭奮大破之賊遁去時列郡  
多陷於賊獨永春宴然  
十六年改調寧德縣尹

### 題待月亭卷

郡西古招提樓臺跨城邑小亭僅數椽日斜晚涼入君  
侯曾此遊徘徊松下立開樽待明月月來海風急俗韻  
忽已消素光良可挹天容萬里淨露氣千松濕酒闌賓  
客歡詩就鬼神泣蹇余塵土蹤驅馳慚靡及時來弄清  
暉每擬續佳什文園多病早浣花百憂集願言問嬋娟

何當謝羈紲

題陳允中山居

山妍雨初暗洞窈雲常暝  
琤琤碧澗流落落青松影  
遊咏有高人誅茅臨複嶺  
開窻嵐翠香展卷白日永  
興來即吟詩客至但烹茗  
抱琴戒出遊蕙帳夜深冷

贈白雲

白雲亦何閒竟日不下山  
時從脩竹裏相伴一僧還  
悠悠悠覆松頂渺渺歸岫  
間奔走塵俗者視君何厚  
顏



白雲精舍

幽齋白雲裏苔徑隱林樾  
空堦落葉多深竹書聲歇  
嵐光翠以流爐烟暝常結  
涼飈拂長林猶疑絃吹發

蔣阜叢林

沈沈青蓮宇隱隱聞疎鐘  
桂殿荒蘚碧蘭堦落葉紅  
水聲出溪竹石瀨鳴寒松  
東林有佳興解綬來相從

禪巖夕照

空巖夕照沒寒棲野僧定  
歸鳥帶殘光連雲下蘿逕  
禪

房掩暮山楓林起烟磬幽人獨去來高軒足清興

鞦韆

綠窻美人閉深院燕語鶯啼春事半畫欄睡足四無人  
空與東君說幽怨綵繩嬾挂青烟羅襪纖纖翻翠袖  
紅妝高出牆頭花繡帶斜飛亭際柳香風蕩漾春誰主  
願學飛仙飛不去黃昏溪月浸梨花背立鞦韆悄無語

秋蚊

茉莉堂前月華吐飛蚊擾擾晴雷怒深閨小玉焚椒蘭

繡幙穿簾柳花度芙蓉夜臥銀燭滅綠紗如烟罩香雪  
潛身飛入羅扇風耳畔營營宵不絕瓊肌一啞雨夢回  
玉腕斜批守宮血屋外寒蟬自清素夜夜長吟飲花露

練湖曲

練湖七月涼雨過白水蕩蕩紅芙蓉芙蓉紅盡早霜下  
鴛鴦飛去何匆匆茜裙女兒弄虛碧鳴榔聲斷無消息  
清波小藻出銀魚落日銀山秋欲滴望湖接山雲茫茫  
鳥飛不盡青天蒼丹陽使者坐白日小吏開甕春酒香

倚欄半醉風吹醒萬頃湖光落天影  
桂冠何日隱江南  
短褐綸竿上漁艇

寄張子震

南浦多芳草東風又落花  
相思頻入夢見說欲回家  
奇字從人問新醅為客賒  
自慚羈旅者猶滯錦江涯

答王經歷庭訓

數日不相見文園病若何  
山城春事晚竹屋雨聲多  
慕府官如水門庭雀可羅  
東家有賀老杖屨肯相過

遊吳廷用南莊

公事多餘暇看山到遠村雲莊依竹見樵徑過橋分野  
水晴春碓巖松晝掩門所欣花縣邇歸路任黃昏

和韻答白明之

君厭區區簿領勞詩人相對便揮毫幽居最喜青山色  
熟睡不知紅日高夜雨江湖談舊事秋風庭院試新袍  
笑他名利途中客一似扁舟駕海濤

汀州道中

七閩窮處古汀州萬壑千巖草樹稠嵐氣滿林晴亦雨  
溪聲近驛夜如秋雲間僧舍時聞犬兵後人家盡買牛  
但得龔黃為太守邊方從此永無憂

臨河城外別丁景文

六月騎馬奔出郭故人相送高洋橋百年古郡千峰迢  
萬頃平田十里遙客懷欲別且須酒溪月自來何待招  
後夜相思定何處羣山疊疊雨瀟瀟

贈片雲上人

曾憶相逢月臺下清談猶自帶烟霞  
避喧却愛山中寺訪舊還尋海上槎  
石鼎烹茶分野水紙窻敲燭看簷花  
定知歸去松蘿密猶向雲間採藥芽

依韻答歐士中

客舍淒涼生綠蕪經年祇傍野人居  
樽空但買鄰家酒巷僻應回長者車  
白鳥夢殘楓樹冷黃花香老竹籬疎  
相逢且莫談離別一別如今十載餘

病中懷王德輝

憶與故人分袂日遊魚吹浪動新荷一年又見黃花老  
兩地相思白髮多月落千峰霜滿樹雨餘溪上水生波  
知君囊底詩偏好寄與茅齋敵病魔

和朱仲綱赴杭韻

客中送子西陵渡落日寒烟滿翠微美玉無瑕和氏泣  
尊鱸有興季鷹歸江城雁過秋生樹野店雞鳴月在衣  
壯歲功名須努力只今搜士到柴扉

松江道中



兩袖西風此地過  
清秋八月滿烟波  
杭田萬頃連天遠  
茅屋千家近水多  
買得鱸魚供晚餉  
聽殘稚子唱吳歌  
年來自笑行藏拙  
獨立蓬窗對素娥

題元符宮東秀軒又名日觀

茅山山下種玉地  
道士闢為東秀軒  
五色彩雲開日觀  
萬株秋露濕雲根  
竹園筍出牛穿角  
松樹年深鶴長孫  
一道天河橫屋過  
奎光垂地映堂門

山行雜詠

拂拂輕風穀雨初綠楊堤上步紆徐竹林生筍長過母  
巢燕撲蟲歸哺雛雨散溪流平岼漲雲開巖樹倚天孤  
憑誰喚起王摩詰寫入秋毫作畫圖

再遊南莊

飛鳳山南樹色蒼疎籬野屋對蒲塘巖雲掩日收殘暑  
溪雨迴風生午涼手種晚菰盈圃嫩飯炊新稻滿厨香  
叩門休認催租吏願借竹林飛羽觴

題全安莊

野老尋真幽更幽，僧知敬客喜來遊。  
疎鐘幾杵江山暮，落雁一聲天地秋。  
野鳥有情憐我去，林花無淚為誰愁。  
而今惆悵滄洲別，不識重來有日不。

寒夜懷京和韻

帝京別久夢相通，鬱蔥佳氣凌青空。  
石麟銅雀動涼月，玉樓珠箔來天風。  
宮壺龍滴曉漏盡，玉階馬滑春雪融。  
錦衣高唱少年子，銀甕索酒蒲萄宮。

宋元詩會卷八十四